



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-537-8/21**
Datum: **21.03.2022. god**

«Agencija za vodno područje rijeke Save» Sarajevo rješavajući po zahtjevu pravnog lica «TELEMACH» d.o.o. Sarajevo za donošenje Rješenja o vodnoj saglasnosti na projektnu dokumentaciju za prelaz optičkog kabla preko rijeke Bosne na lokalitetu mosta Vranduk-Koprivna, grad Zenica na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj saglasnosti**

1. Pravnom licu «TELEMACH» d.o.o. Sarajevo daje se vodna saglasnost na projektnu dokumentaciju za prelaz optičkog kabla preko rijeke Bosne na lokalitetu mosta Vranduk-Koprivna, na zemljištu označenom kao k.č. broj: 3489/1, 1077 i 3508/1 K.O. Vranduk, grad Zenica:
 - Glavni projekat polaganja trase optičkog kablovskog voda preko postojećeg mosta na rijeci Bosni, urađen od «TQM» d.o.o. Lukavac, broj: 10-21/22, mart 2022. (revidovan od «EUROING» d.o.o. Bihać, mart 2022.).

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Radove na izgradnji prelaza optičkog kabla preko rijeke Bosne izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Ukoliko se tokom izvođenja radova utvrdi da je trasa optičkog kabla u koliziji sa postojećim instalacijama i stečenim pravima korisnika, riješiti njihovo ukrštanje ili izmiještanje, uz saglasnost nadležnih preduzeća odnosno organa uprave.
 - 3.4. Reviziona okna – priključna mjesta optičke mreže na lijevoj i desnoj obali rijeke Bosne će se, u skladu sa dostavljenim projektom, nalaziti na propisanim udaljenostima od vodotoka, tj. izvan vodnog dobra i područja linije plavljenja rijeke Bosne ranga pojave 1/100.
 - 3.5. U toku radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
 - 3.7. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 03-19-3002/20 od 10.06.2021. izdatog od Službe za urbanizam Grada Zenica.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i kao posljedica toga nastanu štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.
6. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se

dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19 i 41/20).

7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «TELEMACH» d.o.o. Sarajevo, svojim zahtjevom, zaprimljenim 08.11.2021., zatražilo je izdavanje vodne saglasnosti za prelaz optičkog kabla preko rijeke Bosne na lokalitetu mosta Vranduk-Koprivna, na zemljištu označenom kao k.č. broj: 3489/1, 1077 i 3508/1 K.O. Vranduk, grad Zenica, a u postupku pribavljanja odobrenja za građenje.

Uz zahtjev nije dostavljena dokumentacija koja je propisana članom 8. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata, te je dopisom broj: UP-I/21-2-40-537-2/21 od 09.11.2021., zatražena dopuna dokumentacije neophodne za vođenje upravnog postupka od strane ove Agencije. Dopisom broj: 480-12/21 od 10.12.2021. podnosilac zahtjeva je tražio produženje roka za dopunu dokumentacije, te je dopisom broj: UP-1/21-2-40-537-4/21 od 15.12.2021. odobreno traženo produženje roka. Dopisom broj: 10-02/22 od 11.02.2022. Investitor je tražio novo produženje roka za dopunu dokumentacije. Cijeneći razloge iznesene u dopisu Investitora, dopisom broj: UP-1/21-2-40-537-6/21 od 16.02.2022. odobren je novi krajnji rok za dopunu dokumentacije koji je podnosilac zahtjeva ispoštovao.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 065-0-Reg-20-003286 od 14.10.2020. izdatog od Općinskog suda u Sarajevu,
- Ovjerena kopija Uvjerenja o registraciji poreznog obveznika izdatog od Porezne uprave Federacije BiH-Kantonalni porezni ured Sarajevo od 20.10.2020.,
- Ovjerena kopija Uvjerenja o registraciji/upisu u Jedinствени регистар обвезника индиректних пореза broj: 04/1-17-1-UPJR/1-5644-2/20 od 21.10.2020. izdatog od Uprave za indirektno-neizravno oporezivanje Banja Luka,
- Dokaz o uplaćenju upravnoj taksi,
- Kopija Rješenja o urbanističkoj saglasnosti broj: 03-19-3002/20 od 10.06.2021. izdatog od Službe za urbanizam Grada Zenica,
- Kopija Rješenja o prethodnoj vodnoj saglasnosti broj: UP-I/25-1-40-095-5/21 od 29.03.2021. izdatog od «Agencije za vodno područje rijeke Save» Sarajevo,
- Glavni projekat polaganja trase optičkog kablovskog voda preko postojećeg mosta na rijeci Bosni, urađen od «TQM» d.o.o. Lukavac, broj: 10-21/22, mart 2022. (na uvid i ovjeru),
- Revizija Glavnog projekta polaganja trase optičkog kablovskog voda preko postojećeg mosta na rijeci Bosni broj: REV 04-03/22, mart 2022., urađena od «EUROING» d.o.o. Bihać (na uvid).

Nakon uvida u dostavljenu dokumentaciju konstatovano je sljedeće:

- Projektovana trasa optičkog voda je predviđena u nivou potkonstrukcije postojećeg mosta preko rijeke Bosne, koji spaja naselja Vranduk i Koprivna, grad Zenica.
- Najniža kota provjesa zaštitne metalne cijevi optičkog kabla projektovana je na visini 291,87 m n.m. na poprečnom presjeku A'-A, odnosno 291,42 mn.m. na poprečnom presjeku B'-B, dok je kota velikih voda rijeke Bosne ranga pojave 1/100 289,27 m n.m., te je kota dna zaštitne cijevi optičkog kabla e oko 2,63 m iznad kote velikih voda rijeke Bosne ranga pojave 1/100. Kota dna zaštitne cijevi optičkog kabla je 1,1 m iznad donje ivice nosive mostovske konstrukcije.
- Revizionarna okna – priključna mjesta optičke mreže na lijevoj i desnoj obali rijeke Bosne se nalaze na propisanim udaljenostima od vodotoka, tj. izvan vodnog dobra i područja linije plavljenja rijeke Bosne ranga pojave 1/100.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti izdala Služba za urbanizam Grada Zenica.

Projektna dokumentacija, dostavljena uz zahtjev, urađena je i revidovana od strane pravnih lica koja ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-095-5/21 od 29.03.2021., te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat polaganja trase optičkog kablovskog voda preko postojećeg mosta na rijeci Bosni, urađen od «TQM» d.o.o. Lukavac, broj: 10-21/22, mart 2022. (revidovan od «EUROING» d.o.o. Bihać, mart 2022.), data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.


Obrađivač akta:

Sanja Miličić, građ.ing.

Prilog:

- Ovjerena projektna dokumentacija: Glavni projekat polaganja trase optičkog kablovskog voda preko postojećeg mosta na rijeci Bosni, urađen od «TQM» d.o.o. Lukavac, broj: 10-21/22, mart 2022.
- Revizija Glavnog projekta polaganja trase optičkog kablovskog voda preko postojećeg mosta na rijeci Bosni broj: REV 04-03/22, mart 2022., urađena od «EUROING» d.o.o. Bihać

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- «TELEMACH» d.o.o.
Džemala Bijedića 216, 71210 Ilidža (prilog)
- AVP Sava, ISV-vodna knjiga
- ☉ Sektor 40 – arhiva
- Oglasna ploča – AVP Sava